
F O M E N T A S I C C A .

Fomentum siccum seu *Epithema siccum* est pulvis medicatus, qui crudus vel sacco inclusus parti morbosæ imponitur.

Materies fomenti sicci est omne siccum, quod in pulverem redigi potest. Farinæ cereales et vegetabilium hic maxime adhibentur.

Quantitas generalis a parte affecta indicatur.

Subscriptio est. Fiat pulvis pro epithemate sicco.

Vehiculum est linteum quadruplicatum, sacculus, cucufa, pulvinar, subinde lectulus ex herbis siccis pro infantibus rachiticis, pulvinaria integra pro cruribus œdematosi sic parantur.

Sacculi majores *intersui* debent, ne pulvis inclusus conglomeretur, aut versus unum locum coacervetur.

U s u s. *Fomenta sicca ad tumores œdematosos, erysipellaceos, et alios a causa inter natos, adhiberi solent*

FOMENTATIO SICCA AD ERYSI-
PELAS.

R. Farinæ fabarum Mij.
Pulveris florum sambuci.
— chamomillæ aa. Mj.

Misceantur ut f. pulv.

Usus. *Erysipelas discutit, transpirationem
ejus acrem auget et absorbet. Subinde additur
camphora alcohole vini in pulverem redacta.*

FARINÆ EMOLLIENTES.

R. Farinæ seminum lini.
— — fænugræci aa. part. æq.

Misceantur.

Usus. *Ad paranda cataplasmata emollientia
inservit.*

FARINÆ RESOLVENTES.

R. Farinæ fabarum.
— hordei.
— tritici.
— secalis aa. p. æq.

Misceantur.

Usus. *Ad paranda cataplasmata resolventia
adhiberi solent hæc farinæ.*